

**Sud Bosne i Hercegovine**
Суд Босне и Херцеговине

Broj: S1 3 Iž 037888 20 Iž
Sarajevo; 21.10.2020.godine

Sud Bosne i Hercegovine, u drugostepenom vijeću sastavljenom od sudija Zvezdane Antonović kao predsjednika vijeća, Dinke Bešlagić-Čovrk i Vesne Trifunović kao članova vijeća, odlučujući o žalbi Gabeljić Adevije, USA.Missouri, 10032 S Bunker Hill Dr St. Louis MO 63123, izjavljenoj protiv Odluke Centralne izborne komisije Bosne i Hercegovine broj 05-1-07-1-998/20 od 01.10.2020. godine kojom je odbijen upis u izvod iz Centralnog biračkog spiska za glasanje izvan BiH podnosioca prijave, po podnesenim prijavama do 01.09.2020. godine, u nejavnoj sjednici, održanoj dana 21.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen upis u izvod iz Centralnog biračkog spiska za glasanje izvan BiH podnosioca prijave, po podnesenim prijavama do 01.09.2020. godine, jer nisu ispunjeni uslovi iz člana 3.15. stav (1), (2) i (3) Izbornog zakona Bosne i Hercegovine .

Protiv ove odluke žalbu je uložio Gabeljić Adevije navodeći da uz žalbu dostavlja valjan dokaz o identitetu.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena odbije kao neosnovana jer žalitelj nije ni nakon provedenog ispitnog postupka, uz prijavu za glasanje izvan BiH nije dostavio dokaz o identitetu, niti je to učinio o u ostavljenom roku o kome je obavješten putem internet stranice.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Odredbom člana 3.15 Izbornog zakona propisano je da državljanin BiH koji živi u inostranstvu, a koji ima biračko pravo u skladu sa ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van BiH, dužan je podnijeti prijavu Centralnoj izbornoj komisiji BiH prije roka koji utvrdi CIK BiH u periodu prije raspisivanja izbora. Osim prijave koju potpisuje dužan je priložiti i **validan dokaz o identitetu podnosioca prijave** i podatke o tačnoj adresi u inostranstvu.

Centralna izborna komisija Bosne i Hercegovine u osporavanom rješenju pravilno je utvrdila činjenicu da žalitelj uz prijavu za glasnja izvan BiH za Lokalne izbore za 2020. godinu nije dostavio važeći identifikacioni dokaz o identitetu predviđen članom 5.12 stav (4) Izbornog zakona BiH, te je prilikom odlučivanja pravilno primjenila zakonsku odredbu koja propisuje uslove za prihvatanje prijave za glasanje van BiH. U konkretnom slučaju dostavljanje lične karte kojoj je istekao rok važnosti tj. 30.06.2020. godine nije validan identifikacioni dokument koji sadrži sve podatke koji su potrebni da bi se ispunili uslovi iz člana 3.15 stav (1) i člana 5.12 stav (4) Izbornog zakona BiH za upis u izvod iz Centralnog biračkog spiska za glasanje van BiH. Znači, u vrijeme donošenja osporavane odluke prijava žalitelja usljed nedostatka identifikacionog dokumenta izdatog u Bosni i Hercegovini, nije ispunjavao zakonom propisane uslove da bude prihvaćena. Naime, rok za prijem prijave za upis birača u izvod u Centralni birački spisak za glasanje izvan BiH za Lokalne izbore 2020. godine bio je do 01.09.2020. godine u 24 sata kako je odredila Centralna izborna komisija BiH.

Osim toga žalitelju nije oduzeto biračko pravo da glasa za Lokalne izbore 2020. godine na redovnom biračkom mjestu u opštini u kojoj ima prijavljeno prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA
Zvezdana Antonović**